

正法念處經卷第六

篤六

元魏婆羅門瞿曇般若流支譯

地獄品第三之二

又彼比丘觀活地獄第六別處名不善處彼業果報衆生何業生於彼處彼見聞知行惡之人心常憶念欲殺衆生爲獵殺故遊行林

業之

野吹貝打鼓種種方便作大惡聲聲甚可畏林行衆生鹿鳥師子虎豹熊羆猴等畜遊行無畏行惡業者爲欲殺故作彼畏聲爲獵殺故遊行林野爲欲奉王若奉王等彼人以是惡業因緣身壞命終墮活地獄生不善處如彼業因相似受果如作業時令他衆生心

不生喜墮在地獄入火燄中熱燄紫鳥極大惡聲獾狐烏鷲狗犬野干食其耳根令心不喜彼有惡聲最爲極惡不可愛樂心不喜聞一切聲中最可怖畏金剛紫蟲入其骨裏行其骨中噉食其耳如是乃至惡業未盡心彌泥魚愛河中行瞋心旋轉迅波漂流生死山

中常所止宿欲瞋癡分貪少味欲爲鉤所釣常行邪見深水之處於三界中若退若生以爲身滑常唱聲觸味色香等如是罪業作時喜笑得殃報時號哭而受尔時世尊而說偈言
癡心彌泥魚 住於愛舍宅 作業時喜笑
受苦時號哭

若其惡業彼處受盡尔乃得出復生餓鬼畜生之中若其前世過去久遠有少善業若生人中常懷愁苦於一切時間不吉聲心不曾喜所謂常聞不饒益事妻子死亡財物散失眷屬有殃若殺若縛常懷悲惱心初不喜彼不善業因果相似

又彼比丘觀活地獄第七別處名極苦處衆生何業生於彼處彼見聞知行惡業者作惡業時深厚結使極深怨惡多殺衆生而行放逸彼人以是惡業因緣身壞命終墮活地獄生極苦處受熱鐵火極重苦惱墮嶮崖下鐵鉤燄鬘如是受苦常不休息日夜不停

又彼比丘諦知業果求涅槃城諦知世間生死苦惱觀察黑繩大地獄處如是黑繩大地獄處有何異處彼見聞知黑繩大地獄有處名曰等喚受苦彼處惡燒受苦無間衆生何業生於彼處彼見聞知若人說法依惡見論以因譬喻一切不實不顧一切投崖自殺無正

萬六

二

善戒彼人以是惡業因緣身壞命終墮在黑繩大地獄中生等喚處受大苦惱彼受極苦舉在嶮岸無量由旬熱燄黑繩束縛繫已然後推之墮利鐵刀熱地之上鐵燄牙狗之所噉食一切身分分分離唱聲吼喚無有救者無有護者無所歸訴無有安慰今離苦者

自心所誑在生死輪常恒疾轉癡闇盲冥身如普燒黑林相似彼地獄地見閻羅人苦切偈語噴疏之言

汝邪見愚癡 癡闇所縛人 今墮此地獄
在於大苦海 惡見燒福盡 人中最凡鄙
汝畏地獄縛 此是汝舍宅 若屬邪見者

彼人非黠慧 一切地獄行 怨家心所誑
心是第一怨 此怨最為惡 此怨能縛人
迭到閻羅處 心常馳諸境 不曾行正法
迷謬正法道 迭在地獄殺 心不可調御
甚於大猛火 速行不可調 牽人到地獄
心第一難調 此大甚於火 難調速疾行

地獄中地獄 若人心自在 則行於地獄
若人能制心 則不受苦惱 欲為第一火
癡為第一闇 瞋為第一怨 此三乘世間
汝前作惡時 自心思惟作 汝本癡心作
今受此惡報 心好偷他物 竊行他婦女
常殺害衆生 自心之所誑 如是業自在

萬六

三

將汝到此處 是汝本惡業 何故尔呻喚
若人作惡已 後懊惱則癡 彼不得果報
如下種鹹地 欲者少味利 受苦報則多
癡人貪著欲 彼從闇入闇 癡人作諸惡
為饒益妻子 獨受地獄苦 自業之所誑
若為妻子故 造作諸惡業 則到此地獄

今受此苦惱 非妻子非物 非知識能救
人中欲死時 無能救護者 若人染欲心
為愛之所誑 而共相隨行 令得如是苦
本為境界劫 已為愛所誑 自作此惡業
今何故呻喚
於彼等喚受苦惱處如是受苦閻魔羅人如

是治罪彼地獄人如是受苦如是無量百千
年歲受第一苦如是乃至惡業離散破壞爛
盡亦乃得脫若於前世過去久遠有善業熟
若生人中不善業故在於邊地陀毗羅國婆
娑羅國海畔境界辛頭境界洲渾境界為人
抄劫掠其財物於極苦惱貧處為奴若作門
兵身體癯殘一切身分鄙劣不具飢渴燒惱
寒熱衝逼如箭射塚受極苦惱常被誣枉為
諸小兒木石埽等之所打擲為一切人之所
嫌賤無妻無子一切人中最為凡賤受第一
苦餘業果報與因相似因緣相似如本所作
後如是受苦彼比丘如是觀察地獄黑闇極

苦惱業於生死中得離欲縛

又修行者觀彼比丘常勤精進諦見業果善
行正行厭離世間一切生死斷絕第一堅牢
魔縛不肯住於魔之境界於煩惱地不樂共
住心不喜樂染著垢愛彼地夜又見彼比丘
有如是等功德相應轉復上聞虛空夜又如

前所說次第乃至大梵身天廣說如上

又彼比丘觀察黑繩之大地獄復有黑處彼
見有處名曰旃荼黑繩地獄衆生何業生於
彼處彼見有人牀卧敷具病所須藥非已所
應而多食用俗人愚癡覆藏惡業若自殺羊
若他教殺如婆羅門外道所誑彼人以此惡

馬六

業因緣身壞命終墮於惡處黑繩地獄生旃
荼處受大苦惱所謂惡鳥若鳥若鷲若惡猪
等按其眼根彼地獄主若以杵枷若以大斧
若以惡火極怒急瞋種種苦逼既生如是地
獄之中復受種種極重苦惱所謂挑眼若按
其舌一切身分分分皆按飲熱銅汁三奇熱

鐵遍刺其身削劈其足烏鳥所食一切病集
 啼哭號咷無主無伴閻魔羅人瞋怒極打如
 是黑繩地獄之處乃至無量百千年歲惡業
 壞爛尔乃得脫若於前世過去久遠善業未
 熟則生餓鬼畜生之中若生人中儂春目盲
 壽命短促人中死已復入惡道如是衆生業
 瓊所縛行善業者則得善報作惡業者則得
 惡報業果所縛常在生死

又彼比丘觀察黑繩大地獄處名畏就爲衆
 生何業生於彼處彼見有人貪物因緣而殺
 他人若縛若餓若奪飲食彼人以是惡業因
 緣身壞命終墮於惡道黑繩地獄生長就爲處
 受大苦惱彼地獄處鐵地火然普皆水色十
 千由旬周遍燄起有鐵蒺藜彼地獄人怒杖
 急打晝夜常走火燄刀枷挽弓弩箭隨後走
 逐鐵錐尋刺恒常急走閻魔羅人手執鐵刀
 鐵枷鐵箭皆悉駭然斫打射之唯行彼處饑
 渴所逼命常欲斷無救無歸氣息欲絕有命

第六

五

公

而已他人所乘具受衆苦尔時世尊而說偈言
 多人共相隨 造作不善業 後惡業熟時
 有生獨受果 火刀怨毒等 雖害猶可忍
 若自造惡業 彼苦過於是 親眷皆分離
 唯業不相捨 善惡未來世 一切時隨逐
 隨華何處去 其香亦隨逐 若作善惡業
 隨逐亦如是 衆鳥依樹林 旦去暮還集
 衆生亦如是 後時還合會 毀滅他勝事
 自取而陵他 隨作何惡業 彼人癡所誑
 若不趣涅槃 復不向天處 彼癡第一因
 從閻復入閻 彼人如是自作惡業受地獄苦乃經無量百
 千年歲地獄流轉乃至惡業破壞爛盡尔乃
 得脫然後復生畜生餓鬼若生人中爲放牧
 人若放駱駝若放餘畜若放牛驢若放驃馬
 當象當狗常驅驢駝處處治生以自存活若
 作圍兵圍兵主帥貧窮短命鄙惡作業餘殘
 業因相似果報

又彼此立觀察黑繩大地獄處普遍觀察十六別處如活地獄

又彼此立觀活地獄黑繩地獄既觀察已知業報法一切惡業果報堅韌有作而集集而不作作而不集作而集者則決定受集不作者不決定受作不集者不決定受彼見聞知

三種惡業及業果報如實知已重生賦離觀察業繩迭相縛處又復觀察無量種業又復觀察無量種心動轉攀緣彼此立如是觀察見諸衆生心自在已又復觀察餘諸地獄彼見聞知第三地獄名合地獄衆生何業而生於彼所謂作集惡不善業燒煮衆生彼見聞

知衆生三種作集惡業生合地獄受惡果報所謂殺生偷盜邪行如是三種惡不善業生合地獄彼上惡業則生如是根本地獄中下惡業則生別處有上中下三種苦受又作業時心力異故彼中受命有上中下又作業時心力攀緣有上中下於彼受苦有上中下三

種業定身業三種口意三種謂上中下

又復三種謂欲界生色界中生無色界生又復三種所謂過去現在未來又復三種所謂現受生受後受又復三種謂善不善及以無記又復三種現縛中縛異生處縛又復三種人非人縛非人人縛自處自縛所謂捨人還

得人身作地獄業是業勢力相似所作業相似生如得解脫神通比丘又復三種一者作二者不作三者縛作所言作者初作沙門言縛作者後相續縛言不作者乃至獲得阿羅漢果又復作者作沙門已作沙門行又縛作者此處退已於異處生又復三種一者禪縛

二者非禪縛三者無報縛彼禪縛者如初禪地二禪縛地非第三禪非第四禪非禪縛者謂施戒等無報縛者謂阿羅漢諸漏既盡決定受業不得果報彼此立觀世間海業網繫縛迭互因生行業果報非有作者非有受者非無因緣唯有業力彼此立如是思唯破壞

魔軍修集善法更復勝上觀合地獄業因果報云何衆生生於根本合大地獄彼見有人殺盜邪行樂行多作如是之業普遍究竟樂行多作是業則生根本地獄并及別處彼人於是根本地獄受大苦惱作業如前若人偷盜及作邪行是人皆名邪行之人云何名邪

書六

七

如是異作復異分別若人邪行尊者之妻彼人生於合大地獄受大苦惱所謂苦者鐵燄柴鷲取其腸已掛在樹頭而噉食之彼有大河名燒鐵鉤彼有鐵鉤皆悉火然閻魔羅入熱地獄人擲彼河中墮鐵鉤上又彼河中有熱燄刀罪人於彼受大苦惱彼苦無比無有譬喻所謂彼處受然鉤苦謂以然鉤打其身閻魔羅人取地獄人置彼河中按令死沒彼地獄人迭互相沉既相沉已唱喚號哭河中非水熱赤銅汁漂彼罪人猶如漂木流轉不停如是漂燒受大苦惱彼鐵鉤河既燒漂已彼地獄人或身如日初出者有身沉沒

如重石者有著河岸不沒入者或有罪人身如水衣有為燄柴鷲食之如食魚者或有身洋其身猶如生酥塊者有以鐵劍而打之者或有身破百千分數如沙搏者有在河中如洋銅者有以熱灰燒其身者有以炎鉗鉗其身已置熱灰中復以鐵鉗連劍刺者有擊其身猶如細縷劍而打者有劍其頭令頭在下在上打者有置鑊中湯火煮之如熟豆者有在鑊中迭互上下速翻覆者有置在鑊偏近一廂舉手向天而號哭者有共相近而號哭者又受大苦無主無救彼中多有燄柴鷲烏野干狗等在熱地上不殺而食屏處受苦各不相見種種因緣種種受苦彼受無量百千種苦自心所誑十不善本邪行所得緣殺生得緣偷盜得又復如是閻魔羅人以鐵燄杵築彼罪人罪人怖走四向顧望望有歸救作如是言何人救我我何所歸四向走望如是行已燄杵築

已置燄然河若燄然樹山巖石間窟穴等中
極峻惡處受種種苦謂著樹頭復推今墮在
鐵鉤地彼身瘡裂如是千到若百千到又復
如是閻魔羅人取地獄人置刀葉林刀葉甚
多火燄熾然而此罪人見彼樹頭有好端正
嚴飾婦女如是見已極生愛染如是婦女妙

第八

九

鬘莊嚴末香全身塗香塗身如是身形第一
嚴飾身極柔軟指爪纖長熙怡含笑以種種
寶莊嚴其身種種欲媚一切愚癡凡夫之人
見則牽心彼地獄人既見如是端正婦女在
樹上已生如是心是我人中本所見者是我
本時先所有者彼地獄人自業所誑故如是
見如是見已即上彼樹樹葉如刀割其身肉
既割肉已次割其筋既割筋已次割其骨既
割骨已次劈其髓如是劈割一切處已乃得
上樹欲近婦女心轉專念自心所誑在彼樹
上如是受苦既上樹已見彼婦女復在於地
彼人見已然彼婦女以欲媚眼上看彼人美

聲語喚先以甜語作如是言念汝因緣我到
此處汝今何故不來近我何不抱我如是地
獄業化所作罪人見已欲心熾盛刀葉樹頭
次第復下彼人既下刀葉向上炎火熾然利
如刺刀如是利刀先割其肉次斷其筋次割
其骨次割其脉次割其髓遍體作瘡彼地獄
人如是被割如是被劈脉脉斷已看彼婦女
欲愛燒心既如是看燄業鷲鳥即啄其眼火
然刀葉先割其耳如是被割唱聲吼喚刀葉
燄然次割其舌次割其鼻如是遍割一切身
分欲愛牽心如到地既到地已而彼婦女
復在樹頭彼人見已而復上樹如前所說彼
業力故如是無量百千年歲如是無量百千
億歲自心所誑彼地獄中如是轉行彼地獄
人如是被燒何因故燒邪欲為因彼人如是
猶不捨欲無始來心如轉行在於地獄餓
鬼畜生衆生之心不可調順在地獄中猶故
如是當知是心不可信也

第十

十一

又復如是合大地獄彼中有山名爲鷲遍被
地獄人燒身飢渴走赴彼山而彼山中處處
皆有酸漿鐵鷲壯身大肚而彼鐵鷲身內肚
中有地獄人名爲火人彼地獄人望救望歸
故赴彼山既到彼山彼鐵鷲鳥先破其頭開
髑髏骨而取其腦復挑其眼彼地獄人號哭
唱喚然無救者既破其頭飲腦盡已擲頭異
處彼地獄人無頭無眼而復走向闇冥地獄
罪業力故復有鐵鷲其身極大彼鷲腹中亦
有火人來向罪人到即吞之彼地獄人入鷲
腹中即爲火人本侵他妻罪業所致
彼殺生因樂行多作乃經無量百千年歲常
被燒然而復不死彼邪行因樂行多作則見
婦女在刀葉林彼偷盜因樂行多作入異地
獄在於一處彼處是河其河名曰無邊彼岸
熱沸銅汁滿彼河中地獄罪人見河彼岸多
有種種第一淨食佉陀尼食蒲闍尼食有好
敷具有好樹林林有邃影復有陂池河流清

水彼地獄人如是見已即發大聲迭相招喚
作如是言汝來汝來我今得樂今有種種佉
陀尼食蒲闍尼食有好敷具如前所說彼地
獄人如是唱喚餘地獄人既聞聲已皆共馳
走謂有能救謂有可歸和集一處迭相問言
我今當於何處得樂何救何歸復有異人不
喚而來指示之言汝今看此無邊彼岸大河
彼岸如是有佉陀尼食蒲闍尼食敷具樹
林蔭影清涼如前所說彼地獄人如是一切
迭相和集俱走往赴無邊彼岸大河彼岸如
是河中熱白鐵汁熱鉛錫汁沫覆其上彼地
獄人既如是走墮在彼河既墮彼已其身有
如生酥塊者有消泮者有酸漿鳥食噉之者
有熱鐵口惡魚食者有身分散而消泮者彼
地獄人在彼河中如是一切如是受苦是彼
惡業因緣勢力作集所致如是受苦彼地獄
人如是無量百千年歲燒煮熟爛分散消泮
乃至作集惡業破壞無氣腐爛彼地獄中亦

篇六

十

乃得脫彼地獄中間魔羅人噴疏罪人而說
偈言

妻子絹所縛 將來地獄舍 何故為心誑

造作鄙惡業 汝本為妻子 知識親眷等

造作諸惡業 非是黠慧人 汝實不自愛

今到地獄處 何故為兒子 作惡業至此

若為妻子誑 造作諸惡業 後心不生悔

彼人入地獄 汝獨地獄燒 為惡業所食

妻子兄弟等 親眷不能救 若為癡所誑

而不作善業 後則不得樂 汝今徒悔恨

若隨順欲瞋 癡心第一誑 為妻子樂故

一切向下行 自業自與果 衆生業至此

作善業生天 作惡來此處

如是彼處閻魔羅人如是多多噴地獄人如
是如是噴疏之言若汝自身造作惡業今欲
令誰食如是食若自作善還自得善若作不
善自得不善不作不得作則不失汝本作業
今得此報彼地獄人如是久在合大地獄乃

佛言

十一

經無量百千年中常被燒煮乃至惡業未壞
未爛業氣未盡如是殺生偷盜邪行樂行多
作所得果報於一切時與苦不止若惡業盡
彼地獄中亦乃得脫若於前世過去久遠有
善業熟不生餓鬼畜生之道若生人中貧窮
短命得下劣妻設得好者共異人通若或無

妻得凡鄙身為他所使彼業勢力餘殘果報
得如是等如是惡業能誑惑人令入地獄又
彼比丘知業果報次復觀察合大地獄十六
別處何等十六一名大量受苦惱處二名割
剝處三名脉脉斷處四名惡見處五名團處
六名多苦惱處七名忍苦處八名朱誅朱誅
處九名何何奚處十名淚火出處十一名一
切根滅處十二名無彼岸受苦處十三名鉢
頭摩處十四名大鉢頭摩處十五名火瓮處
十六名鐵火末處合大地獄有如是等十六
別處衆生何業生於彼處彼比丘思惟觀察
若人三種惡不善業所謂殺生偷盜邪行樂

行多作彼決定受合大地獄受苦惱處衆生何業生初大量受苦惱處彼見有人不應行姪不正觀察樂邪欲行生彼大量受苦惱處地獄之中受大苦惱所謂炎熱鋒利鐵積刺令穿徹以彼鐵積從下刺之背上而出又復刺之腹上而出又復刺之腰中而出又復刺之肩上而出又復刺之從脇而出又復刺之從咽而出又復刺之從口而出復破髑髏而從其出又復刺之從耳而出彼地獄人如是被積一切身分皆悉穿破受大苦惱若燒若煮一切身分彼受如是諸苦惱已又復更與極重苦惱所謂復以熱燄鐵鉗挾拔其如若鐵鷲鳥挽拔其如而食之者如是乃至所作集業未壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業之處爲第三人謂內官等彼不善業餘殘果報

第六

十二

又彼比丘知業果報次復觀察合大地獄復有何處彼見聞知復有異處名割到處是合地獄第二別處衆生何業生於彼處彼見有人殺盜邪行樂行多作墮合地獄生割到處殺生偷盜業及果報如前所說何者邪行謂於婦女不應行處口中行姪彼人以是惡業因緣身壞命終墮於惡處合大地獄生割到處受大苦惱所謂苦者閻魔羅人以熱鐵釘釘其口中從頭而出出已急拔又釘其口耳中而出復以鐵鉢盛熱銅汁寫其口中銅汁熱燄燒然其脣次燒其舌既燒舌已次燒其眼如是燒咽次燒其心次燒其肚如是次第乃至糞門從下而出如是邪行樂行多作惡業果報在於地獄如是如是種種受苦乃經無量百千億歲常被燒煮乃至惡業未壞未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中同業

之處口中常臭如爛氣臭如是熏他一切所惡是彼惡業餘殘果報

又彼比丘知業果報次復觀察合大地獄復有何處彼見聞知復有異處彼處名為脉脉斷處是合地獄第三別處衆生何業生於彼處彼見有人殺盜邪行樂行多作墮合地獄

第六

十三

脉脉斷處殺生偷盜業及果報如前所說何者邪行謂於婦女非道行姪彼不隨順自力強逼彼人以是惡業因緣身壞命終墮於惡處合大地獄脉脉斷處受大苦惱所謂熱筒盛熱銅汁置口令滿唱聲吼喚作如是言我今孤獨如是無量百千年歲乃至惡業未壞

未爛業氣未盡於一切時與苦不止若惡業盡彼地獄處亦乃得脫若於前世過去久遠有善業熟不生餓鬼畜生之道若生人中所得妻婦貪愛他人彼人見之不能遮障是彼惡業餘殘果報彼作集業果報不失猶故復受又彼比丘知業果報次復觀察合大地獄復

有何處彼見聞知復有異處名惡見處是合地獄第四別處衆生何業生於彼處彼見有人殺盜邪行樂行多作墮合地獄生惡見處殺生偷盜業及果報如前所說何者邪行所謂有人取他兒子強逼邪行自既力多令彼啼哭彼人以是惡業因緣身壞命終墮於惡

處合大地獄生惡見處受大苦惱所謂自見己之兒子以惡業故見自兒子在地獄中於彼兒子生重愛心如本人中如是見已閻魔羅人若以鐵杖若以鐵錐刺其陰中若以鐵鉤釘其陰中既見自子如是苦事自生大苦愛心悲絕不可堪忍此愛心苦於火燒苦十六分中不及其一彼人如是心苦逼已復受身苦所謂彼處閻魔羅人之所執持頭面在下熱炎鐵鉢盛熱銅汁灌其糞門入其身內燒其熱藏燒熱藏已次燒大腸燒大腸已次燒小腸燒小腸已次燒其脛既燒脛已如是次第次燒其咽既燒咽已次燒其喉既燒喉

已次燒舌根燒舌根已次燒其舌既燒舌已
 次燒其斷既燒斷已次燒其頭既燒頭已次
 燒其腦如是燒已在下而出彼邪行人受如
 是苦如是無量百千年中以業化故見自兒
 子自身心苦具受如是身心二苦如是無量
 百千年中常受大苦乃至惡業未壞未爛業

第六

十四

氣未盡於一切時與苦不止若惡業盡彼地
 獄處亦乃得脫若於前世過去久遠有善業
 熟不生餓鬼畜生之道若生人中則無見息
 雖有不淨不成種子世人皆言此人不男一
 切嫌賤是彼惡業餘殘果報
 又彼比丘知業果報次復觀察合大地獄為

當更有異處以不被見聞知復有異處名為
 團處急團相似是合地獄第五別處衆生何
 業生於彼處彼見有人殺盜邪行樂行多作
 墮合地獄生於團處殺生偷盜及以果報如
 前所說何者邪行所謂有人若見犍牛若驢
 馬等姪道處已心生分別此如是處與人婦

女不應有異如是念已即便生於人婦女想
 而行姪欲彼人以是惡業因緣身壞命終墮
 於惡處合大地獄生於團處受大苦惱所謂
 見彼若牛若馬惡業因故地獄中見自心分
 別如前憶念人婦女想若本犍牛若本驢馬
 見已即生人婦女想欲心熾盛即便走向如

是牛馬有鐵燄火滿牛馬內彼人既近牛馬
 根門惡業因故入彼根門即入其腹滿中熱
 火彼處受苦乃經無量百千年中常被燒者
 其身熟爛不能出聲於彼腹中間處苦逼乃
 至惡業未壞未爛業氣未盡於一切時常被
 燒然若惡業盡彼地獄處亦乃得脫若於前

第六

十五

世過去久遠有善業熟不生餓鬼畜生之道
 若生人中同業之處則生無禮非仁之國以
 已之妻令他侵近不生妬忌邪行業因餘殘
 果報

又彼比丘知業果報次復觀察合大地獄為
 當更有異處以不被見聞知復有異處名多

苦惱是合地獄第六別處衆生何業生於彼處彼見有人殺盜邪行樂行多作墮合地獄多苦惱處殺生偷盜業及果報如前所說何者邪行謂男行男彼人以此是惡業因緣身壞命終墮於惡處合大地獄多苦惱處受大苦惱作集業力於地獄中見本男子熱燄頭髮

一切身體皆悉熱燄其身堅韌猶如金剛來抱其身既被抱已一切身分皆悉解散猶如沙搏死已復活以本不善惡業因故於彼燄人極生怖畏走避而去墮於嶮岸下未至地在於空中有燄業鳥分攔斲令如芥子尋復還合然後到地既到地已彼地復有燄口

野干而噉食之唯有骨在復還生肉既生肉已閻魔羅人取置燄鼎而復煮之如是無量百千年歲煮之食之分之散之乃至惡業未壞未爛業氣未盡於一切時與苦不止若惡業盡於多苦處亦乃得脫若於前世過去久遠有善業熟不生餓鬼畜生之道若生人中

同業之處火無量妻不得一妻究竟如是設有妻則厭離之喜樂他人邪行業因餘殘果報

又彼比丘知業果報次復觀察合大地獄爲當更有異處以不彼見聞知復有異處名忍苦處是合地獄第七別處衆生何業生於彼

處彼見有人殺盜邪行樂行多作墮合地獄生忍苦處殺生偷盜業及果報如前所說何者邪行所謂有人破他軍國得婦女已若或自行若自取已給與多人若依道行若不依道彼人以此是惡業因緣身壞命終墮於惡處合大地獄生忍苦處受大苦惱所謂苦者閻

第六

十六

魔羅人懸之在樹頭面在下足在於上下然大火燒一切身從面而起彼地獄火熱熱甚熾彼罪人身危脆坏軟眼最軟故燒盡無餘彼罪人身燒盡復生彼人如是受極苦惱堅鞭叵耐彼人如是地獄中生彼人如是受大苦惱唱聲吼喚呻號啼哭唱喚口開彼地獄

火從口而入火既入已先燒其心既燒心已
 次燒其肺如是次第至生熟藏根及糞門如
 是燒已次燒其足既受如是被燒苦已復有
 鳥來噉食其身彼受如是二種大苦唱聲吼
 喚而燒不止如是無量百千年歲於地獄中
 受極苦惱如是苦惱無異相似如是無量百
 千年歲乃至惡業未壞未爛業氣未盡於一
 切時與苦不止若惡業盡彼地獄處亦乃得
 脫若於前世過去久遠有善業熟不生餓異
 畜生之道若生人中同業之處設得好婦端
 正無雙則為官軍破壞劫奪惡業力故唱喚
 號哭懊惱心碎彼人如是地獄人中二時二
 處受大苦惱唱喚號哭懊惱等苦邪行業因
 餘殘果報

十七末

正法念處經卷第六

篤六

獯狐二字音 號哭上音 訴音 噴上音 鄙音
蕭胡 號哭上音 訴音 噴上音 鄙音
鹹 鹹音 渾徒音 抄劫上音 掠音 瘡殘

上六射墻下徒挑六彫 削劈上思約反 號吡
 中反射 墻下徒挑六彫 削劈上思約反 號吡
 二字音 儂脊上力朱反 環鎖二同蘇挽音 弓
 弩下乃錐質追 主帥下所策 子委刺刺上時
 擊補夷 築音 創音 爪下息 熙怡上正 荷作
 反下余 啄卓音 邃思遂 鐵郎答 剗音 怡上正 荷作
 之下 亦反 挾拔上 斷斤 特音 牛音 攬

斷上俱縛反
 草米若反 鼎音 脆反 坏上取 反叵耐 上反

正法念處經卷第七

篤七

元魏波羅門瞿曇般若流支譯

地獄品第三之三

又彼比丘知業果報次復觀察合大地獄復
 有何處彼見聞知復有異處彼處名為朱誅
 朱誅是合地獄第八別處殺生偷盜邪行樂